



SAKSPAPIR

Saksnr	Utval	Type	Dato
16/2021	Bygdeutviklingsutvalet	PS	11.05.2021

Sakshandsamar	Arkiv	ArkivsakID
Tore Henrik Øye	FE-223	21/493

LØYVING AV BYGDEUTVIKLINGSMIDLAR TIL Å UTVIKLE NETTSIDA "WWW.VELKOMMENTILVAKSDAL.COM"

Vedlegg:

Søknad om tilskot frå bygdeutviklingsutvalet

Kommunedirektøren sitt framlegg til vedtak:

Bygdeutviklingsutvalet i Vaksdal kommune løyver inntil kr. 15 000,- i bygdeutviklingsmidlar til Stamnes Dronefoto, ved Rune Langeland, til utvikling av nettsida www.velkommentilvaksdal.com.

Løyinga er knytt til «godkjent kostnad» med etablering og utforming av nettsida, jf. kostnadsoppsett under saksutgreiing.

Vedtaket er fatta med bakgrunn i «Retningslinjer for tilskot til bygdeutvikling». Løyinga skal takast frå utvalet sine tilgjengelege midlar for 2021.

Tilskotet vert betalt ut etter innsendt sluttrapport med kostnadokumentasjon.

Løyinga gjeld ut 2021. Etter dette vert tilskotet trekt attende.

Bygdeutviklingsutvalet - Sak 16/2021

BYG - Behandling:

Utvalet drøfta saka.

Kommunedirektøren sitt framlegg til vedtak vart samrøystes vedteke

BYG - Tilråding/Vedtak:

Bygdeutviklingsutvalet i Vaksdal kommune løyver inntil kr. 15 000,- i bygdeutviklingsmidlar til Stamnes Dronefoto, ved Rune Langeland, til utvikling av nettsida www.velkommentilvaksdal.com.

Løyinga er knytt til «godkjent kostnad» med etablering og utforming av nettsida, jf.

kostnadsoppsett under saksutgreiing.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå utvalet sine tilgjengelege midlar for 2021.

Tilskotet vert betalt ut etter innsendt sluttrapport med kostnadokumentasjon.

Løyvinga gjeld ut 2021. Etter dette vert tilskotet trekt attende.

Saksopplysningar

Samandrag/konklusjon (kort om saka):

Bygdeutviklingsutvalet har kr. 500 000,- i tilskotsmidlar til rådvelde i 2021.

Stamnes Dronefoto søker om kr. 16 277,- i tilskot til utvikling av nettsida www.velkommentilvaksdal.com. Føremålet er å fremje Vaksdal kommune som bustad.

Kommunedirektøren finn at søknaden er i tråd med bygdeutviklingsmidlane sitt føremål. «Godkjend kostnad» vert sett til kr. 15 000,- og det vert gått inn for å løyve dette beløpet.

Bakgrunn for saka:

Bygdeutviklingsutvalet i Vaksdal kommune forvaltar ei tilskotsordning for å fremje bygdeutvikling i kommunen, med inntil kr. 500 000,- i tilskotsmidlar for 2021. Delar av midlane er nytta.

I søknad av 19.03.21 søker Stamnes Dronefoto, ved Rune Langeland, om kr. 16 277,- i bygdeutviklingsmidlar til etablering og utvikling av nettsida www.velkommentilvaksdal.com, fordelt på følgjande utgifter:

- | | |
|---|-------------|
| · Leverandør av webside, 1 år ved oppstart: | kr. 1 188,- |
| · Leverandør websida for 10 år framover | kr. 6 000,- |
| · Domene – 10 år framover | kr. 2 790,- |
| · Køyreutgifter (200 km x 4,50,-/km) | kr. 900,- |
| · Lisensar, musikk og sfx | kr. 3 183,- |

I tillegg kjem kr. 45 000,- i eige arbeid (120 t x 450,-/t), fordelt på innhenting av informasjon, fotografering/videopptak, redigering, oppsetjing av nettside m.m.. Denne kostnaden er ikkje teke med i grunnlaget for søknaden.

Føremålet med nettsida er å presentere kvalitetane ved å bu i Vaksdal kommune, som vonleg vil vere med å fremje interessa om kommunen som bustad.

I søknaden viser søker til Vaksdal kommune sin planlagte utvikling av eiga nettside om å bu i kommunen. Her vert høvet for samarbeid og vekselverknadar når det gjeld innhald, profilering og resultat, trekt fram.

Søkar opplyser at utgiftene det vert søkt om å få dekkje, har oppstått.

I 2020 løyvde Bygdeutviklingsutvalet kr. 7 000,- i tilskot til Stamnes Dronefoto for utvikling av dronefilm om kommunen som bustad.

Formelt grunnlag

- Kommunelova - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Bruk av det formelle grunnlaget går fram under «*vurdering og konsekvensar*».

Vurdering og konsekvensar

Søknaden frå Stamnes Dronefoto vert vurdert å vere i samsvar med retningslinene for tilskotsordninga sine krav til innhald og kven som kan søkje om midlar (mellom anna private aktørar og verksemdar).

I følgje retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høvet kan det gjevast midlar til materiell og utstyr til ulike prosjekt og stader. Det kan òg gjevast stønad til kurs og kompetanseutvikling, men ikkje til drift.

Tiltaket det vert som om støtte til, skal vere eit reiseprosjekt for å skape interesse for å flytte til Vaksdal. Føremålet med tiltaket samsvarer soleis med kommunale mål om å arbeid for tilflytting og auka busetjing i kommunen.

Initiativet til søkjar uttrykker eit sterkt engasjement for Vaksdal som bustad. Lokal busetjing er avgjerande for utvikling av gode stader å bu. Tiltaket er soleis positivt i seg sjølv, og kan vere eit godt tillegg til kommunen sitt arbeid. Det er teke med i vurderinga at søkjar har fått tilskot ved tidlegare høve. Tiltaka vert sett i samanheng, og Kommunedirektøren finn grunnlag for å tilrå ny løyving.

Det går fram av søknaden at utgiftene har oppstått. Vurderinga i dette høvet er at søkjar er i ein prosess med utvikling av nettsida, og at arbeidet ikkje er slutført. Det vil difor ikkje vere naturleg å ha for streng praksis knytt til om prosjektet har starta opp eller ikkje, før søknad vert fremja.

Mykje av utgiftene det vert søkt om finansiering til, dreier seg om lisensar. Desse kan ha preg av å vere driftskostnader, men er i sakshandsaminga definert som etableringskostnader. I dette høve er «godkjend kostnad» med tiltaket sett til kr. 15 000,-. Kostnaden med kjøring, er ikkje inkludert.

Det går fram av søknaden at eigeninnsatsen er vesentleg.

På bakgrunn av søknaden sitt innhald, kriteria for løyving av tilskot, tilgjengelege midlar og innkomne søknadar, går Kommunedirektøren inn for å løyve kr. 15 000,- i tilskot til utvikling av nettside om Vaksdal kommune som bustad. Tilskotet utgjer 100 % av «godkjend kostnad», og føreset dokumentasjon av faktiske utgifter.